

Legarretaetxebarria ez dute askatuko, 25 urteko zigorretik 20tik gora beteta izan arren

Askatzearen aurka fiskalak ezarritako helegitea onartu egin du Bilboko Entzutegiak

Iñaki Uriarte / Bilbo

Manu Legarretaetxebarriak aspaldi bete zituen zigorraren hiru laurdenak, eta zigor osoa ere bai. Espetxeak onartu luditze urriak kontuan har-

tuta ere otsailean 25 urteko kartzela zigorra erabat betea izango duen arren, presoak espetxean segitu beharko du. Atzo, Bizkaiko Entzute-gik baliogabetu egin zuen Espetxe Zaintzako epaileak emandako bal-

dintzapeko askatasuna, Espetxe Erakundeak ez duelako berretsi Basauriko kartzelak onartu hirugarren gradua. Espainiako karteletan 18 urte eman ondoren, 1997an Basaurira ekarri zuten emaztearen hiletarako.

BIZKAIKO ENTZUTEGI PRO-BINTZIALEKO lehen atalak, atzo emandako autoarekin, atzera bota du Espetxe Zaintzako epaileak urtarilaren 15ean Manu Legarretaetxebarria presoari onartutako baldintzapeko askatasun agindua.

Otsailaren 11n kartzelan 20 urte bete zituen taxista mungiarrek, espetxearen datuen arabera. Hurrengo urteko otsailean beteko du Espainiko Entzutegi Nazionalak ezarritako 25 urteko zigor osoa. Basauriko kartzelako Tratamendu Batzordeak hirugarren graduan jar dezaten proposatu zion Espainiako Espetxe Erakundeari, baina hark ez zuen erantzunik eman. Ondorioz, Espetxe Zaintzako Bilboko epaileak gradua onartu eta baldintzapeko askatasunean jar dezaten agindu zuen. Fiskaltzak, ordea, erreforman eta apelazioan errekurritu zuen erabakia. Atzo ezagutu zen autoan Bizkaiko Entzutegiko lehen atalak arrazoia eman diola fiskaltzari, gradu aldaketa Espetxe Erakundeari —eta ez epaileari— dagokiola arrazoituz. Ana Belen Iratxetaren lehendakartzapean jardun duen epaimahaiaren ustez, epaileak soilik har lezake era-



MARISOL RAMIREZ

Manu Legarretaetxebarriaren askatasuna eskatzeko Basauriko espetxearen aurrean egindako kontzentrazioa.

baki hori Madrilen hirugarren gradua ukatu eta presoak ebazpen horren aurkako errekurtsioa aurkeztu izan balu. Baina ez da hori kasua, Madrilek ez duelako erantzun eta presoak, ondorioz, ez duelako administrazioaren erabakia errekurritzeko aukerarik ere izan.

Ondorioz, Antonio Gimenez Pericas magistratuak

idatzitako txostenean, epaimahaiak dio Manu Legarretaetxebarria 55 urteko mungiarra hirugarren graduan klasifikatua ez egonik, baldintzapeko askatasunak Zigor Kodearen 90. artikulua urratzen duela.

Euskal presoak bigarren graduan segitzen duela ohartarazi zion epaimahaiari Espetxe Erakunde Zuzenda-

ritza Orokorrak, eta hortaz inola ere ezin eman diezaioketela baldintzapeko askatasuna. Antzeko egoeran zeuden hiru preso ohi, ostera, kalean daude egun. Mikel Zumarraga, Josu Reparaz eta Patxi Artzeri, Nafarroako Espetxe Zaintzako Epaitegiak baldintzapeko askatasuna eman zien eta fiskaltzak errekurritu arren egun kalean daude.

Araida Legarretaetxebarria • MANUREN ALABA •

«Erabaki politikoa da, hemen ez dago legerik ez ezer»

■ Bizkaiko Entzutegi Pro-bintzialak bertan behera utzi du gaur zuen aitaren baldintzapeko askatasun agindua. Nola hartu duzue senitartekoek erabaki hori?

Abokatuak deitu dit lehentxoago epaileen berri emateko. Ez da ustekabea gertatu erabaki hori, beste kasu batzuetan ere hala gertatu delako.

■ Kartzelan 20 urte eta erdi eman ondoren, eta

jarritako zigorra osoa betetzeko zazpi hilabete besterik falta ez direla ikusita, ez zenuten espero aske uztea?

Epaiketan egon ginenean, Jone Goirizelaia ondo azaldu zuen gaia. Gero beti daukazu esperantza, aldaketaren bat egon delako, baina azkenean...

■ Beste errekurtsio edo eskaririk aurkezteko asmorik baduzue?

Argi dagoena da gure aita-

ren egoeraren konpnbidea politikoa dela; hemen ez dago legerik ez ezer. Euren eskuetan dago haren askatasuna. Pasada bat da, baina halaxe da.

■ Azken hilabeteotan kanpaina zabal egin duzue Mungialdean zigorraren hiru laurdenak bete dituen baldintzapeko askatasuna eman diezaioten.

Hainbat jenderekin hitz egin dugu: Mungiako alkate-



XOUSE SIMAL

arekin egin dira gestioak, Iñigo Urkullurekin ere egon gara, eta beste batzuekin ere bai. Baina azkenean, ikusten denez, horrek guztiak ez du ezertarako balio izan. Soluzioa politikoa da.

Presoak Euskal Herriratzearen alde, hainbat ekimen izango dira gaurtik igandera bitartean

Erredakzioa / Donostia

EUSKAL HERRIKO herri askotan ekimen asko izango dira gaur hasi eta igandera bitartean. Ekimen guztiek helburu bera izango dute: Euskal presoak Euskal Herrira ditzatzen eskatzea.

Horien artean aipagarriak dira Santurtzin, Gasteizen, Sopelan, Antzuolan eta Ondarroan izango diren ekimenak.

Santurtzin, herriko jaiak direla eta, gaur Karmengo Ama Birjinaren prozesioaren inguruan kontzentrazioa egingo dute preso politikoen argazkiak eramanez. Arratsaldeko 17:00etan izango da. Bihar, ostera, hainbat talde biltzen dituen txosten batzordeak antolatuta, jai izaera duen manifestazioa antolatu dute. Hala Dzipo fanfarriak girotuko du, eta txostenatik irtingo dira 22:00etan.

Gasteizen, berriz, larunbatean 12:00ak inguruan, zentroko kaleetan hainbat margolari, eskultore eta artistek haien lanen erakusketa egingo dute antzezlari bat taularatzearekin batera. Ordu berean, Foruen plazan Herri kirolak izango dira. Arratsaldean, 18:30etan, zazpi dantza taldek dantzatuko dute Diputaziotik Foruen plazaraino. Ondoren Andra Mari Zuriaren plazaraino joango dira, han astero egiten den enkarteladako parte hartzaileekin bat egiteko.

Sopelan, bihar, Karmengo jaiak direla eta, Lasabasterra eta Sopela hondartzetan bilduko dira parte hartzaileak eta 300 lagun inguruko taldeetan bildu. Euskal presoek argazkiak hartuko dituzte, eta hori egitearekin batera, herriko surflariak ikusizun bat eskainiko dute, bandera batzuk eskuan dituztela surf eginez.

Antzuolan, igandean, preso, errefuxiatu eta deportatuen eguna antolatu dute. Ekitaldiak goizean hasiko dira eta eguerdian herri bazkaria izango da. Ondoren, ekitaldiek jarraituko dute.

Azkenik, Ondarroan, joan den uztailaren 3an txandakako gose greba hasi zen, eta abuztuaren 14a bitartean iraungo du.